



Mariane Paviasen
Inatsisartunut ilaasortaq
Inuit Ataqaatigiit
inatsisartut@ina.alla.gl

Air Greenland A/S pillugu § 37 naapertorlugu apeqquaqammut 2023-135-mut akissut

05-10-2023
Sullap nr.: 2023 - 22867
ID nr. 89043238

Asasara Mariane Paviasen,

Air Greenland A/S pillugu Inatsisartut Suleriaasianni § 37 naapertorlugu Naalakkersuisunut apeqquaqarputit. Apeqquqtitit uannut akineqartussanngorlugit innersuunneqarput. Apeqquqtitit ataasiakkaarlugit matuma kinguliani issuarneqarput, akissutinillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqquq 1: Air Greenland-ip angalanermut akigititai Naalakkersuisunit naleqquttutut isigineqarpat?

Akissut: Tapiiffigineqanngitsumik angallaviit aammalu angallaviit kiffartuunneqarnissamut isumaqatigiissutini ilaatinneqartut immikkoortinneqarnissaat pingaaruteqarpoq. Naalakkersuisut sumiiffinni kiffartuunneqarnissamut isumaqatigiissuteqarfiusuni akigititai kisiisa toqqaannartumik sunniuteqarfigisarpaat.

Apeqquq 2: Air Greenlandip pisiarineqarnerani innuttaasunut sunik iluaqusiinersoq takussutissaateqartoqarpa?

Akissut: Apeqquqtit taakkua akissuteqarfigineqarnissaannut Naalakkersuisut Siulittaasuata Naalakkersuisoqarfianit ilanngussassanik piniartoqarpoq, taannalu imatut akissuteqarpoq:

"Air Greenlandip pisiarineqarnerani ingerlatseqatigiiffiup sinneqartoorutai tamakkerlugit innuttaasunut iluaqutaatinneqarnissaat qulakkeerneqarpoq. Siusinnerusukkut SAS-ip aamma naalagaaffiup ingerlatseqatigiiffiup sinneqartoorutaannit 37,5 %-inik aamma 25 %-inik piginneqataassutsinut naapertuuttumik pissarsiassanik akiliutit tiguserpaat."

Apeqquq 2 A) Angallanermi akitigut apparsaasoqarpa?

Akissut: Apeqquqtit taakkununga akissuteqarnissamut Air Greenland A/S-imiit ilanngussassanik piniartoqarpoq, taannalu imatut akissuteqarpoq:

"Nunap iluani angallavinni attaveqaatini billetsi Takuss akikinnerpaatut neqeroortigineqarpoq. Angalasut akikinnerpaamik billetseqarlutik angalasartut amerlassusaat, 2019-imi piffissamut tassunga sanilliullugu, 2023-mi malunnaatilimmik amerleriarput."

Billetsit Takuss neqeroortigineqartut amerlisinneqarnerisa saniatigut piffissami tassani agguaqatigiissillugu akigititai 10%-inik akikillisinneqarpoq. Nunanut allanut

angalanernut tamanna killormoortuuvoq. Angalasut amerleriarput, kaaviiartitat aammalu agguaqatigiissillugu akigititaq ilanngullugit. Akikinnerpaami, billetsimi Fly n' Sleep, aamma angalasut amerlanerusut malunnaatilimmik siusinnerusumiit akikinnerusumik angalasalerput, allat paarlattuanik akisunerusumik angalasalerlutik, taamaaliornermi agguaqatigiissillugu akigititaq taamaaginnarluni.

Assersuutini taakkunani erseqqissarsinnaavarput, billetsinut akikinnerpaanut akigititaq akikillimmat, aammalu billetsini taamaattuni neqeroorutaasartut angalasullu amerlillutik, billetsini akisunerusuni akigititaq qaffalluni.

Akigititat nunarujussuarmi Oslo-miit Tunesien-imut isorartussusaanut naapertuuttumik annertussusilimmi silaannakkut angallannermik ingerlatsinermi aningaasartuutaasartut annertussusaannut naapertuunnerat erseqqissassallugu pingaaruteqarpoq."

Apeqqut 2 B) Angallannermi periarfissat nunaqavissut pisariaqartitaannut naleqqussarneqarsimappat?

Akissut: Air Greenlandip angallaviisa ilusiligaanerat ataqaatigiissumik angallannerup iluseqartinnissaanut naleqqussagaavoq, isorliunerusuniit nunani allani ornigassanut billetsinik ataqaatigiissunik pisisoqarsinnaalersinneqarluni.

Apeqqut 3: Air Greenlandip sulisui Narsarsuarmiittut Kangerlussuarmiittut mittarfissuit Nuummi, Ilulissani, Qaqortumilu nunap iluani mittarfiup naammassineqarnerani qanoq iliorneqassappat?

A) Soraarsitaaginnassappat? Imaluunniit suliffimik allamik neqeroorfigineqassappat?

Akissut: Apeqqutinut taakkununga akissuteqarnissamut Air Greenland A/S-imiit ilanngussassanik piniartoqarpoq, taannalu imatut akissuteqarpoq:

"Air Greenland Ilulissani, Kangerlussuarmi Narsarsuarmilu sulisoqarpoq, ilaatigullu Kangerlussuarmut tunngatillugu paasisimaarinninnginneq pissutaalluni sunniutaasussat suli tamakkiisumik paasisimaarineqanngillat. Maannakkorpiaq nalilisoqarpoq maannakkut sulisorineqartut tamarmik atorfissaqartinneqartussaasut, taakkualu atorfinnik inuttaqanngitsunik neqeroorfigineqassapput. Ingerlatassat unammilleqatigiilernissarluni apeqqutaallutik, siunissami sulisut ikilisinneqarsinnaapput."

Apeqqut 4: Naalackersuisut Air Greenlandip angallannermut akigititai innuttasunit akissaqarfigineqarluarnerulernissaat anguniarlugu sulissuteqartoqarnerisq ilisimasaqarpat?

Akissut: Apeqqutit taakkua akissuteqarfigineqarnissaannut Aningaasaqarnermut Naalackersuisoqarfimmit ilanngussassanik piniartoqarpoq, taannalu imatut akissuteqarpoq:

"Innuttaasut nalinginnaasumik, pingaartumillu innuttaasut ilai amerlanerusut, pisissutissaqarnerulersinnissaat, ilanngullugu Air Greenlandimut ilaallutik angalanissamut akiliisinnaalersitsisumik, Naalackersuisut sulissutigineraat, oqaatigineqarnissaata kissaatigineqarneratuut Naalackersuisut apeqqut paasivaat.


Akissut naatsoq aappiuvoq. Tamanna Naalackersuisut siunertarilluinnarpaat, assigiinngitsutigut takussutissaqalartartumik. Tamanna inuit akileraarutaannik

iluarsaaqqinnissap piareersarneqarneranut ilaatillugu pivoq, ilaatigut isertitat naligiissaarnerunissaat aammalu sulinermi akileraarutit appartinneqarnissaat ukkatarineqarlutik. Tamatuma saniatigut pingaartumik Naalakkersuisut Attassinissamut Siuariartortitsinermullu pilersaarutissaat 2 pisussaq innersuussutigineqarsinnaavoq, tassani iluarsaaqqinnerit ingerlanneqarfissaanni ataasiakkaani arlalinni iluarsaaqqinnernut suliniutissanullu siunnersuuteqartoqassalluni, ilaatigut suliffeqartut amerlanerulersinnissaat aammalu ataasiakkaat ilaqutariillu isertitaqarnerulersinnissaat siunnerfigineqarlutik, ilanngullugit ilinniarnernup qaffassarneqarneratigut suliffissaqartitsinerulernikkullu, namminersortut suliassaqarfiini suliffissanik nutaanik, akilerluagaasunik pilersitsinikkut ilaalu ilanngullugit.

Ilaatigut pisortat suliassaqarfiini aammalu nalinginnaanerusumik aningaasartuutit appasissumiitinnissaat, ilaatigullu ataatsimut katillugu akileraartarnerup appasissumiitinnissaa, Naalakkersuisut assigiinngitsutigut sulissutigaa. Tassunga ilanngullugu Naalakkersuisut aningaasat naleerukkiartorneranni tatisimanninnerup, annertunerpaatigut avataaninggaaneersup, annikillisinniarnissaa ukkataraat. Aningaasarsiat pisissutaasinnaasut ujarorneqartutut pitsaasumik ineriartornissaannik qulakkeerinnissamut, taamaalilluni arlalippassuartigut suliniuteqarnissaq ingerlaavartumillu sulianik ingerlatitsinissaq, Naalakkersuisut malersortuagaat, pisariaqarpoq."

Neriutigaara apeqqutit matuma siuliani akineqarsimassasut.

Inussiarnersumik inuulluaqqusillunga



Hans Peter Poulsen